

5.0 SYARAT-SYARAT KELAYAKAN PENSIJILAN

5.1 RUJUKAN MODEL KOMPETENSI

Penetapan tahap pentauliahan bagi program Pensijilan Kompetensi Teknikal JKR ini dirujuk daripada definisi yang digariskan di dalam dokumen *COMPETENCY MODEL & DICTIONARY JKR MALAYSIA 20700-0285-17 (Revision 1-2017)*.

Bagi program pensijilan ini, penilaian dan pentauliahan dilaksana untuk Tahap 2, 3 dan 4 sahaja seperti tertera dalam Jadual 1.

Jadual 1: Tahap Program Pensijilan Kompetensi JKR dan Definisi

TAHAP	DEFINISI	KETERANGAN
2	Asas	Anda masih dalam proses belajar atau hanya mempunyai sedikit pendedahan atau pengetahuan asas atau sedikit amalan yang berkaitan. Anda mampu menganalisa dan menterjemahkan maklumat. Penyeliaan masih diperlukan. Anda mengetahui di mana untuk mendapatkan bantuan.
3	Kompeten	Anda berupaya mengamal teknik secara langsung dan menggunakan kaedah (<i>tools</i>) secara berdikari. Penyeliaan diperlukan dari semasa ke semasa. Anda berupaya untuk mengenalpasti isu, menjangka masalah dan memberikan penjelasan/alasan. Anda bekerja dengan para pengamal lain dalam kemahiran bidang khusus.
4	Mahir	Anda mempunyai pengamalan yang luas dan berupaya untuk menyelia pengamal lain. Anda menunjukkan kemahiran secara berdikari hampir sepanjang masa. Anda berupaya untuk mengenalpasti isu, menjangka masalah dan menghuraikan penjelasan. Anda bekerja dengan para pengamal lain dalam kemahiran bidang khusus.

5.2 SYARAT KELAYAKAN ASAS PENSIJILAN

Program pensijilan ini terbuka kepada pegawai Pengurusan dan Profesional dan Kumpulan Pelaksana JKR Malaysia yang terlibat dalam memberi perkhidmatan teknikal kepada pemegang taruh (*stakeholder*) JKR, sama ada yang berkhidmat di JKR atau agensi kerajaan lain (Pegawai Kader).

Pemohon hendaklah memenuhi syarat kelayakan asas, yang meliputi aspek seperti pengalaman kerja, kelayakan akademik, mengikuti kursus wajib pensijilan dan pendaftaran dengan pertubuhan profesional, mengikut tahap pensijilan sebagaimana ditetapkan di **Jadual 2**.

Sebarang pengecualian syarat kelayakan asas untuk mana-mana bidang kompetensi tidak akan dipertimbangkan. Syarat kelayakan asas program ini adalah berdasarkan Jadual 2.

Jadual 2: Syarat Kelayakan Asas Pensijilan

Bil	Bidang Pensijilan	Tahap	Syarat kelayakan						
			Gred Jawatan	Pengalaman			Kelayakan Akademik (Minima – Jurusan berkenaan)	Pendaftaran dengan Pertubuhan Profesional (Cth: LJM, LAM, LJUBM)	Hadir Kursus Wajib
				Kerja di JKR (Tahun minima)	Kerja Dalam Bidang (Tahun minima)	Penceramah / fasilitator / Pembentang Kertas Kerja/ Mentor/ Penulis			
1	Semua bidang kecuali bidang Arkitek di 1A, 1B dan 1C	4	≥ J41	10 (P&P)	5	✓	Sarjana Muda	Berdaftar dan Ahli profesional	Rujuk Lampiran 1
1A	Bidang Arkitek: <ul style="list-style-type: none"> • Konservasi Bangunan • Hiasan Dalaman • Multimedia Senibina • Reka Bentuk Perbandaran Lestari • Reka Bentuk Sejagat • Senibina Lanskap Senibina Lestari 	4	≥ J41	10 (P&P)	5	✓	Sarjana Muda	Berdaftar	
1B	Bidang Kejuruteraan Alam Sekitar	4	≥ J41	10 (P&P)	5	✓	Sarjana Muda	Berdaftar	
1C	<ul style="list-style-type: none"> • Bidang Pengurusan Aset dan Fasiliti • Pegawai Penilai Teknikal (BPA) 	4	≥ J41	10 (P&P)	5	✓	Sarjana Muda	Berdaftar	
2	Semua bidang	3	≥ J41	6 (P&P)	3	X	Sarjana Muda	Berdaftar	

Bil	Bidang Pensijilan	Tahap	Syarat kelayakan						
			Gred Jawatan	Pengalaman			Kelayakan Akademik (Minima – Jurusan berkenaan)	Pendaftaran dengan Pertubuhan Profesional (Cth: LJM, LAM, LJUBM)	Hadir Kursus Wajib
				Kerja di JKR (Tahun minima)	Kerja Dalam Bidang (Tahun minima)	Penceramah / fasilitator / Pembentang Kertas Kerja/ Mentor/ Penulis			
3	Bidang Arkitek: • Senibina Landskap	3	≥ JA29	5	3	X	Diploma	X	Rujuk Lampiran 1
	• Hiasan Dalaman		≥JA29	5	3	X	Diploma	X	
	Bidang Pelbagai: • BIM		≥JA19	5	3	X	Sijil	X	
4	Semua bidang Bidang Arkitek: • Multimedia Senibina (MS) • Hiasan Dalaman • Senibina Landskap Bidang Pelbagai: • BIM	2	≥ J41	3	2	X	Sarjana Muda	Berdaftar	
			≥ JA29	6	4	X	Diploma	X	
			≥ JA22	3	2	X	Diploma	X	
			≥ JA29	3	2	X	Diploma	X	
			≥ JA19	5	3	X	Diploma	X	
≥JA19	3	2	X	Sijil	X				

5.11.2 Pengalaman Kerja

Pengalaman Kerja di JKR: Calon hendaklah mempunyai pengalaman kerja di JKR Cawangan/Negeri atau agensi Kerajaan lain (Pegawai kader) sekurang-kurangnya untuk tempoh seperti ditetapkan di dalam **Jadual 2**.

Pengalaman Kerja dalam Bidang: Calon hendaklah mempunyai pengalaman bekerja dalam bidang pensijilan yang dimohon sekurang-kurangnya untuk tempoh seperti ditetapkan di dalam **Jadual 2**. Pengalaman yang diambil kira tidak terhad kepada pengalaman bekerja di pejabat tertentu JKR, pengalaman bekerja di organisasi lain termasuk di sektor swasta yang serupa juga boleh diambil kira bagi memenuhi syarat ini.

Calon yang memohon pensijilan Tahap 4 hendaklah mempunyai pengalaman-sebagai penceramah/fasilitator/pembentang kertas kerja/penyedia garis panduan/penulis dalam kompetensi berkaitan ataupun mempunyai pengalaman menjadi mentor, serta berdaftar dan diiktiraf sebagai ahli badan profesional, di mana berkenaan.

5.11.3 Kursus Wajib Pensijilan

Bagi memastikan bahawa pemohon telah dilatih secara terancang dan sistematik, mereka dikehendaki menyertai kursus-kursus teknikal yang ditetapkan dan bersesuaian dengan tahap pensijilan yang dimohon.

Senarai kursus wajib pensijilan, yang dianjurkan oleh CREaTE atau JKR, mengikut bidang kompetensi, adalah seperti di **Lampiran 1**. Sebagai syarat asas pensijilan, pemohon hendaklah menghadiri dan memiliki sijil kursus-kursus tersebut atau kursus setara atau lebih tinggi.

Kursus-kursus swasta yang menawarkan topik yang sama dan yang setara atau lebih tinggi, boleh diambil kira sebagai pematuhan kepada syarat asas pensijilan. Sijil-sijil kursus swasta berkenaan perlu disemak, diperakukan setara dan ditandatangani oleh Pemilik Kompetensi atau Pegawai Kompeten yang mempunyai kompetensi dalam bidang yang dimohon (tahap yang lebih tinggi), sebelum mengemukakan Borang Permohonan seperti di **Lampiran 3**. Di samping mengemukakan salinan sijil kursus swasta, calon hendaklah juga mengemukakan salinan brosur/maklumat kursus yang antaranya mengandungi maklumat mengenai penganjur, pengenalan kursus, objektif kursus dan kandungan kursus.

Modul yang diambil semasa pengajian di peringkat sarjana atau kedoktoran falsafah **tidak boleh diambil kira** sebagai menepati kriteria asas kursus wajib yang sama, setara atau lebih tinggi.

Tempoh sah laku kursus yang dihadiri adalah lima (5) tahun dari tarikh program pensijilan dihebahkan atau dipelawa.

